

東華續錄

乾隆三十二

臣王先謙敬編

臣周潤
繪蕃恭校

秋七月丙午諭兩廣總督陳大受奏稱調任總督碩色巡撫岳濬前在廣東任內徇庇糧驛道明福婪人多贓並不糾參且於上年計典濫膺卓薦岳濬辦理萬年吉地相木修築海陽縣隄工二案一任屬員弊混等語碩色素性柔懦諸事含糊於屬員劣蹟一無覺察殊屬徇縱著俟此案審定之日交部嚴加議處岳濬受朕深恩屢由廢員復加擢用伊父見蒙格外殊榮岳濬理宜感激圖報乃一味優柔姑息以取悅屬員與碩色各懷意見時相牴牾且於糧驛道明福之婪入多贓曲意瞻徇吉木隄工二案均係巡撫衙門專政並不留心查辦深負恩典岳濬著革職來京自以爲

御庇屬員者之戒前經降旨調任之雲南巡撫圖爾炳

朱京易

用之安徽巡撫衛哲治著仍留原任○易州水命臣青溪望撫

恤災民勸賞修葺房屋銀兩○丁未命南河總督高斌堵築宿遷

等處漫口○己酉諭軍機大臣等廣東省糧道衙門向來積弊甚

多乾隆六年業經降旨通行禁革今該撫陳大受參奏丁憂糧驛

道明福在任折收米一萬九千餘石價銀二萬七千餘兩訊據供

歷任俱如此折收此在乾隆六年以前尙可謂之相沿積弊乃在

禁革以後仍有此等陽奉陰違之事如法紀何糧道折收作弊斷

不能掩督撫之耳目策楞曾任廣東總督準泰曾任廣東巡撫著

將六年以後歷任糧道有無浮收米不存倉向各府州縣折價焚

收入已及始於何年何員任內暗行舞弊嗣後遂公行折價之處

據實指明具奏見經該督陳大受巡撫蘇昌參出並差尙書劉統

勦前往徹底清查自必水落石出該督撫不得瞻徇舊屬自蹈欺
罔之咎○辛亥諭據湖廣總督永興奏稱查訊朱基落水一案據
宜昌府知府阿爾布安陸府同知黃修忠等研訊朱基家人趙成
供出朱基上年十月在邛接到家信當即焚毀又於十一月十六
日家人朱二持計到署朱基亦不令聲張歷考嘉定等三郡一州
賄賣生童九名典史李榮秀及宜賓縣高知縣范教官等過付朱
基婪得銀兩及肉桂三斤又出京時道出山西蒲州府知府李爲
棟係四川巴縣人餽送朱基銀兩貂套等物按試時將李姓童生
二人並取入學等語朱基匿喪情節並賄賣生童供證確鑿殊堪
髮指朱基雖稱落水自戕所有查出賄買生童及伊弟家人等俱
不得縱之漏網著將永興原摺鈔發見在湖廣之家人等並伊弟
朱華朱英俱解交四川總督策楞嚴審定擬具奏其告之蒲州

府知府李爲棟如未回籍卽著山西巡撫阿里衮就近查明具奏
○召劉方藹來京以德文爲湖北按察使○己未飭八旗官員習
射○庚申諭朱荃在四川學政任內匿喪趕考賄賣生童並勒索
新生規禮贓私纍纍已據四川湖廣浙江各督撫等研訊伊弟及
家人等供據確鑿實近年來學政所未有伊乃大學士張廷玉兒
女親家其敢於如此狼籍婪贓明係倚恃張廷玉爲之庇護且查
朱荃爲大逆呂留良嚴鴻逵案內之人幸邀寬典復資緣薦舉冒
玷清華本屬衣冠敗類大學士張廷玉以兩雨朝元老嚴鴻逵之
案繕寫 諭旨皆出其手豈不知其人乃公然與爲姻親是誠何
心設在雍正年間伊必不敢如此卽在伊平日謹守遠禍之道亦
不當出此而漫無忌憚至於如此其忘 皇考聖恩爲何如其藐
視朕躬爲如何張廷玉若尙在任必將伊革去大學士交刑部嚴

審治罪今既經准其回籍著交兩江總督黃廷桂於司道大員內派員前往傳旨詢問令其速行明白回奏再降諭旨張廷玉深負三朝眷注之恩卽其不得行私而欲歸之一念卽已得罪天地鬼神朕尙欲全其晚節今乃種種敗露豈容冒叨寵賚所有歷來承受 恩賜 御筆書籍及尋常賞賚物件俱著追繳至儲麟趾參奏朱荃交部嚴察議奏時朕曾以其事問梁詩正伊並不將朱荃之事詳悉陳奏觀其詞色轉若儲麟趾不應參劾者且有功令森嚴無人更敢作弊之語見在朱荃明福作弊至於如此何謂無敢作弊其意豈欲朕信臣下之無敢作弊遂不加覺察可以自便己私耶及部議時若非朕洞鑒情節飭令大學士傅恆詳悉查辦一任梁詩正等蒙混則儲麟趾可以誣參議處矣部中定槩彼此議論堂司官皆所共聞令梁詩正撫心自問尙不足以敗其心耶

梁詩正著交部察議朱荃平日爲人及匿喪納賄諸罪狀與夫張廷玉以國家舊大臣而與叛案中有名人結親之處渾大臣御史中甯不知之而張廷玉在任時無一人參奏者足見朋比瞻顧之習中不悛改儲麟趾尙能據實參其匿喪一事較之挾詐行私及撫拾浮言者爲稱職矣儲麟趾著交部議敘朱荃在詞林中嘗考列一等或係張廷玉閱卷或派大臣同閱若非張廷玉授意屬託則閱卷大臣揣摩迎合且京察大典張廷玉列朱荃於一等朕於引見時降爲二等至保舉試差人員汪由敦力保朱荃明係瞻徇朕於引見冊內記其人終不愛近曾以示汪由敦可見營私交結伎倆在朕前自不能掩此等師生朋比之習不可不嚴加懲創汪由敦著交部嚴察議奏尋吏部議上得旨梁詩正著革職從寬留任汪由敦本應革職但念其人尙勤慎學問亦優著在兵部侍郎

任內效力贖罪刑部尙書著劉統勳補授工部尙書著孫嘉淦補授儲麟趾著紀錄二次餘議依○甲子諭前經降旨張廷玉所受恩賜物件俱著追繳是以令內務府總管得保前往伊在京賜第內查看原令將 賞賜物件及官房收回乃併將伊家私有之物槩行查辦殊屬錯誤著將 御賜物件收回此外查過物件俱著給還伊家至護國寺並蠶池口住房俱屬 恩賜官房但蠶池口住房係 聖祖仁皇帝賜伊父原任大學士張英著仍加恩聽伊子孫居住其護國寺 恩賜官房自應收固著將此房賞給大學士史貽直居住其查出見存一萬五千餘銀著交貯內務府庫內伊有應代朱荃賄交贖罪官項著於數內扣抵○禮部議覆雲南巡撫圖爾炳阿奏稱緬甸初次奉表稱臣納貢應准其來京從之○丁卯清河漫口合龍○戊辰諭恂郡王叔年老著賜金黃色

紗蟒袍前計嗣後卽服用金黃色○已已截留漕糧二萬石於天津備賑

八月壬申冊立 皇貴妃那拉氏爲 皇后○癸酉加上 皇太

后徽號曰 崇慶慈宣康惠敦和皇太后○乙亥吏部題前任府

尹霍備失察屬員臧根嵩虧空應行追賠得旨此本內所議臧根嵩名下應追虧空銀兩經該署撫查明原籍委無產業照例取結保題應著落失察之前任府尹霍備追賠還項等語向來州縣虧空本犯無力完帑將徇隱之革職知府勒限賠補至限滿不能全完例止革職別無治罪之條夫以已經革職之員復議革職不過照例註冊虛文從事耳此等劣員在任時旣已通同徇隱代賠時又可任意廷挨帑項虛懸刑章倖免凡查察之不嚴代賠之不力未必非此例有以啟之也卽如霍備本身應賠銀兩尙不能完又

何能代賠臧根嵩侵項該部亦明知霍儲力不能完徒以照例辦理完結部臣託之空言而請之朕亦明知託之空言而允之上下相蒙成何政體朕一惟務實不尚虛文侵貪之弊尤不可不急爲整飭嗣後侵虧案內應代賠之知府限滿不完作何分別治罪之處該部另定議具奏霍備代賠臧根嵩侵虧之案卽照新例治罪此本著發還尋議嗣後除知府失察屬員虧空及本犯實係因公那移者仍照原例辦理外其知府通同徇隱州縣侵欺倉庫錢糧著落代賠之項若已滿三限尙不賠完經該督撫將革職代賠之知府取具家產全無印甘各結保題到日臣部按其已未完交分數治罪以十分爲率如未完之數在五分以內者杖一百至六分者杖六十徒一年七分者杖七十徒一年半八分者杖八十徒二年九分者杖九十徒二年半十分無完者杖一百徒三年均不准

納贖再查州縣侵欺帑項限滿不完既著徇隱之知府賠補則著賠之日卽應將知府之原籍房產令地方官查記檔案申報上司如能依限代賠全完房產給還仍照例准其分別開復降調如三限已滿變抵房產仍不足數卽照新定條例治罪從之○命張泰開提督順天學政以呂繼爲禮部侍郎○丙戌追封 皇后父訥爾布爲一等公以其孫納蘇肯襲一等侯○丁亥 上奉 皇太后率 皇后謁 陵並巡幸嵩洛啟鑾○庚寅 上奉 皇太后率 皇后謁 昭西陵 孝陵 孝東陵 景陵○辛卯免經過直隸地方本年額賦十分之三歉收地方十分之五○甲午諭協辦大學士阿克敦應否給俸互相推諉一案經兵部奏明交都察院議處各部堂司官都察院於今日始行陳奏且僉議處吏部將戶兵二部另請交吏部察議甚屬糾繆此案於六月中旬交議何

難按限辦理朕早卽聞都察院於議處此案遲回觀望礙難辦理卽云議處戶兵二部爲吏部之事則定案之時何不會彙乃故爲紆回遲緩以待頒詔之後邀恩援免在此事甚小若平時辦理決不至如此遲延蓋因大學士傅恆管理部務是以都察院徘徊觀望有心延閣此所謂非曰愛之其實害之試問傅恆敢當此乎馬靈阿係傅恆所保之人卽他人如此尙應思及曾經薦舉應避懷私迎合之嫌而乃隨聲附和及至朕面問此事又不能詳陳始末倨侮朕前甚屬不恭馬靈阿原係郎中朕因傅恆保薦特命署理侍郎理宜奮勉效力乃旅進旅退侍郎任內並未實心陳奏一摺辦理一事朕因其不能勝任令以三品京堂降補及副都御史缺出復加恩擢用伊竟全不知感察其詞色時懷怨望今日教責之下仍悻悻不知悔懼滿洲世奴至於如此朕甚憤懣亦豈堪之伊

所恃者誰耶情甚可惡業將伊革職發粘竿上效力贖罪至彭維新係屢經獲罪廢斥之員朕復用爲左都御史苟有人心自應痛自改悔以贖前愆今自任事以來全無振作之氣辦理此案復一味隨衆瞻徇深負朕恩著仍革職其都察院堂官著一併交部嚴加議處所有吏戶兵三部堂司官著都察院會同吏部另議具奏其處分之處司官仍著援例寬免堂官俱不准援例寬免尋議奏德通積德陳惠華葉一棟均應革職查德通陳惠華俱係革職留任之員應革任得旨德通不能勝左都御史之任且兩經議革未便姑留著以三品京堂降補俟伊得缺之日其兩次議革之案仍著帶於新任積德著革職從寬留任陳惠華從寬免其革任仍著註冊葉一棟見有失察家人之案另行交部嚴加議處此案卽著照部議革職○乙未 上駐蹕南苑行圍

九月庚子朔諭都察院左都御史員缺著梅穀成補授楊錫綬丁憂在籍將及服滿著補授刑部侍郎令其於服闋之日卽來京供職伊未到任之前刑部侍郎事務著嵇璜暫行兼管○壬寅上奉 皇太后率 皇后謁 泰陵○中辰以廣成爲左副都御史

由大理寺卿遷

○丙午諭吏部議處原任大學士張廷玉明白回奏一案

請將張廷玉革去職銜交與刑部定擬以爲負恩玩法者戒張廷玉身受 三朝厚恩罕有倫比且膺配享 太廟之曠典宜何如

感激報效以盡匪懈之誼卽年已衰憊亦當依戀闕廷鞠躬盡瘁不忍言去乃伊平時則容默保位及其既毫不得復行己私但思歸榮鄉里於君臣大義遂愀然置之不問以如此存心不惟得罪於朕並得罪於 皇考是以天地鬼神顯奪其魄俾一生居心行事至此盡行敗露情罪實屬重大卽褫其官爵加以嚴譴亦不爲

過至黨援門生及與呂留良案內之朱荃暉爲兒女姻親之罪在
伊反爲其小焉者矣既經罰鍰且令追繳 恩賜物件已足示懲
若又如該部所議革職治罪在張廷玉忽於負朕自所應得而朕
心仍有所不忍著從寬免其革職治罪以示朕始終矜宥之意○
駐藏都統傅清侍郎拉布敦奏珠爾默特那木扎勒往後藏時將
噶布倫第巴布隆贊等誣構抄沒分給親愛之人又將珠爾默特
策布登之子珠爾默特旺扎勒逐出凡頗羅鼐所用舊人殺害抄
沒黜革者甚多臣等遣人往後藏問候班禪額爾德尼回稱訪聞
珠爾默特策布登病故後其子朋蘇克旺布或云逃去或云在阿
里克地方至珠爾默特旺扎勒係奉旨交與珠爾默特那木扎勒
養育之人今在扎什倫布爲喇嘛珠爾默特那木扎勒見帶兵三
千餘名在前藏後三百餘里達木地方遊牧得旨此皆珠爾默特

那木扎勒乖張悖戾但道路遼遠可暫聽之如果關係者大再行

籌畫○已酉 上駐蹕正定府北門外閱兵○辛亥以拉布敦爲

左都御史○乙卯賞直隸河南辦差銀二萬兩各營汛兵丁加賞

兩月餉銀○丙辰免河南經過地方額賦十分之三○裁甘肅甯

夏道屬土鹽稅廠○丁巳 上駐蹕彰德府謁 文廟幸精忠廟

○庚申調納穆扎爾爲工部侍郎以德保爲戶部侍郎

由內務府總管遷

○辛酉 上駐蹕百泉奉 皇太后幸白露園○以秦烱爲貴州

按察使

由直隸通永道遷

○壬戌諭河南軍流以下罪減等發落○準噶

爾宰桑薩喇爾率屬來降先是沙喇克來降時稱策旺多爾濟那

木扎勒昏暴不理政事其姊烏蘭巴雅爾代管諸務又爲策旺多

爾濟那木扎勒所疑送往回地羈禁及收多克等來降稱策旺多

爾濟那木扎勒自知兇暴淫亂懼衆人謀害可代伊立爲台吉者

惟喇嘛達爾扎一人欲託言至沙喇肇勒行圍將喇肇達爾扎謀害有台吉賽音伯勒克與爲首宰桑厄爾錐音袞布鄂勒吹鄂羅什瑚巴哈曼集那木扎多爾濟博和爾仁商謀乘策旺多爾濟那木扎勒行圍卽將伊擒住立喇嘛達爾扎爲台吉經小策零敦多卜之子達什達瓦密告其謀策旺多爾濟那木扎勒將厄爾錐音袞獲袞布等聞知領兵奪回厄爾錐音復將策旺多爾濟那木扎勒擒住矐其兩目並達什達瓦俱送往阿克蘇囚禁遂立喇嘛達爾扎爲台吉等語至是薩喇爾來降告稱策旺多爾濟那木扎勒疑忌其姊夫賽音伯勒克賽音伯勒克遂與宰桑厄爾錐音等同謀將策旺多爾濟那木扎勒殺害立其喇嘛達爾扎因我台吉達什達瓦爲策旺多爾濟那木扎勒所信任亦遂擒拏又拘喚大策零敦多卜之孫達瓦齊不肯前往喇嘛達爾扎以其人衆地險亦

未敢相迫至我台吉被拏後又欲將我等戶口分賞各宰桑是以我等來降軍機大臣奏入命安插於察哈爾尋授薩喇爾爲散秩大臣○癸亥諭據四川總督策楞奏稱署布政使宋厚蒼滑性成牢不可破瞻徇之事不一而足見在具疏題參等語四川布政使員缺著齊格署理四川按察使員缺著鄂敏補授○再免河南歉收地方額賦十分之五○甲子以胡寶瑤爲左副都御史山宗人府府丞還○丙寅 上奉 皇太后率 皇后渡河○戊辰孫灝緣事革職調張若震爲湖南布政使以楊應琚爲甘肅布政使將嘉年爲甘肅按察使由江西廣饒道遷○己巳免河南祥符等二縣明年額賦○永定河漫口合龍

冬十月庚午朔 上幸嵩陽書院○辛未 上謁 中獄廟致祭

○上登嵩山○癸酉 上奉 皇太后率 皇后回鑾○丙子